

“Grooming” y Abuso di Mucha na Aruba

No Mas Silencio, No Mas Excusa

"GROOMING" di mucha ta un proceso calcula y manipulativo uza pa depredadornan pa gana confiansa di un mucha cu e meta final di abuso sexual. E ta sosode online y den bida real, hopi biaha scondi den bista publico. Depredadornan ta presenta nan mes como individuonan cariñoso y confiabel—tin biaha hasta como mentornan of amigonan—pa baha e defensa di un mucha. E tactica aki ta permiti depredadornan opera sin wordo detecta te ora cu ta mucho laat. E pregunta ta, con nos ta stop nan prome cu nan causa daño ireparable?

Reconoce "grooming" ta e prome liña di defensa. E no ta sosode di un dia pa otro; e ta un proceso lento y delibera. Señalnan di advertencia ta inclui un adulto must-rando interes excesivo den un mucha, ofreciendo regalonan, encurashando secreto, of isolando nan for di famia y amigonan.

Online, depredadornan hopi biaha ta pretende di ta un persona di edad di nan victima, ganando nan confiansa prome cu pusha limitenan. Si un mucha diripiente bira isola, demasiado secreto tocante nan actividadnan online, of cuminsa ricibi regalonan sin splicacion, esaki ta señalnan di alarma cu ta exige atencion inmediato.

Silencio ta e arma mas grandi di un depredador, y esey ta exactamente pakico nos mester bati alarma na momento cu nos sospecha "grooming". Mayornan, maestronan, y lidernan comunitario mester educa nan mes y muchanan tocante e peligernan aki. Scolnan mester implementa programanan pa siña muchanan tocante seguridad online y limitenan personal. Comportacion sospechoso mester wordo raporta mesora—sin duda, sin pensa dos biaha. Mas lihe nos actua, miho chens nos tin di preveni abuso prome cu e sosode.

Aruba no por permiti su mes di ta pasivo den e lucha contra molester di mucha. Gobierno mester aplica leyman stricto, segura castigo rapido y severo pa infractornan, y fortalece sistemanan di monitoreo online pa sigui rastro di depredadornan potencial. Campañanan di concientizacion publico mester haci "grooming" un asunto ampliamente reconoci, pa ningun depredador por sconde tras di ignorancia. Scolnan, iglesianan, y

organisacionnan deportivo mester implementa politicanan di proteccion di mucha stricto y segura cu tur adulto den un posicion di confiansa ta wordo verifica a fondo.

Proteha nos muchanan no ta un opcion—e ta un obligacion. "Grooming" ta un menasa silencioso y creciente cu ta prospera den secreto, y Aruba mester tuma un posicion agresivo pa caba cun'e.

Siguridad di nos muchanan mester bin prome cu politica, prome cu reputacion, prome cu cualkier otro cos. Nos mester di leyman mas stricto, miho educacion, y un compromiso inquebrantabel pa expone depredadornan prome cu nan destrui bida inocente. Basta ta basta—ta tempo pa actua.



BUCUTI & TARA
BEACH RESORT - ARUBA



Elements
RESTAURANT

JOIN US & THRIVE!

TOP 25 HOTEL IN THE WORLD ON TRIPADVISOR
FIRST & ONLY CERTIFIED CARBON NEUTRAL RESORT IN THE CARIBBEAN

OPEN POSITIONS:

- **DOORMAN (M/F)**
- **COOK**
- **BARTENDER**
- **LUNCH SERVER**
- **ROOM ATTENDANT**
- **MAINTENANCE TECHNICIAN**

UNLOCK THESE BENEFITS WITH US:

- **Attractive salaries**
- **Various bonus opportunities**
- **5-Day workweek (40 Hours)**
- **Up to 27 vacation days based on years of service**
- **Childcare allowance to support working parents**
- **Wellness program: gym memberships, annual health check-ups, life & health insurances**
- **Exclusive employee discounts at Tara Eco, Ling & Sons, and Garage Centraal**
- **Savings & loan program**

JOIN OUR AWARD-WINNING TEAM AND TAKE ADVANTAGE OF THESE INCREDIBLE BENEFITS WHILE GROWING A REWARDING CAREER!

 www.bucuti.com/careers

